



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXIV. De impedimento cognationis, quid sit cognatio,& quot eius gradus.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

illæ siquidem ad fidem, & religionem Iudaicam accesserunt, licet alioqui essent ex Gentibus, cum quibus non licebat Iudeis contrahere Matrimonia. VEL ad eos, qui aperte reprehenduntur, quod contra legem cum Gentibus coniugia celebauerint. Et in his fuit Salomon, qui 3. Regum 11. valde arguitur à diuina Scriptura, quod uxores Moabitidas, Ammonitidas, & Chananitidas contra legem duxerit: in his etiam numerandi sunt Christiani, qui propterea grauiter à sanctis Patribus reprehenduntur, ut ex Cypriano, Ambro-
sio, & Hieronymo supra demonstrauimus. VEL deniq; ad eos, quos ignorantia, & introducta consuetudo fortasse excusat. Et in hoc numero ponenda videtur sancta Monica mater beati Augustini: nam eius tempore ita inualuerat consuetudo, ut peccatum non putaretur cum Gentilibus iungere Matrimonia, ut Augustinus testatur lib. de fide, & operibus, cap. 19.

Itaque sancta Monica, cuius exemplum hæretici tanti faciunt, ignorantia, & more patriæ à peccato fortasse excusabatur; vel certè pœnitentia, & lachrymis illud purgavit: neque debuit Matrimonium semel contractum dirimere, quia nondum mos populi fidelis Cultus disparitatem inter impedimenta dirimentia reposuerat, ut postea fecit.

CAPUT XXIV.

De impedimento Cognitionis: quid sit cognatio, & quot eius gradus.

RESTAT impedimentum Cognitionis, de quo grauissima controversia est: quæ ut ordine explicari possit; PRIMO exponendum erit, quid sit cognitionis, & qui, & quot eius gradus; SECUNDO, quid de hac re hæretici sentiant. TERTIO, probanda erit veritas, & soluenda argumenta ipsorum.

Vt igitur à PRIMO incipiamus, Iureconsulti distinguunt inter cognitionem, & agnationem. Cognatos enim vocant, qui ex eodem sanguine per matrem descendunt, agnatos, qui per patrem; tamen si cognatos etiam interdum omnes con-

nes consanguineos appellant. Itaque cognatio aliquando est nomen generis, aliquando speciei; agnatio autem semper est nomen speciei: qui enim agnati sunt, cognati etiam dici possunt, non contra ut perspicuum est ex lege Inter agnatos, ff. vnde legitimi, &c. Iureconsultus, ff. de gradibus affinibus: & ex Ambrosio in Epist. 66. ad paternum, extrema, vbi negat dici posse agnatos, qui per patrem non descendunt, ut fratres virieros ex diuerso patre natos. Quare conceptus est Dominicus a Soto in 4. distinct. 40. quast. unica, articulo 1. vbi dicit, agnationem esse genus, & cognationem esse speciem.

In iure CANONICO, tum cognatio, tum agnatio impliciter dicitur consanguinitas, quæ in hoc differt ab affinitate, quod consanguinitas est vinculum eorum, qui ab uno aliquo per sanguinis propagationem descendunt; ita vires eundem sanguinem participant, & ad unum stipendium reducantur: affinitas autem inter eos est, qui non per propagationem, sed per unionem duorum in carnem unam coniunguntur. Quia enim per carnalem copulam viri, & feminina fiunt una caro, inde est quod consanguinei viuis eritis, afficiuntur proximi, & affines alterius. Itaque parentes, & fratres, & ceteri consanguinei vxoris, efficiuntur affines mariti, & contra parentes, & fratres, & ceteri consanguinei mariti, eodem modo efficiuntur affines vxoris: non tamen consanguinei viuis coniugis, sunt affines consanguinei alterius coniugis, sed solùm ipsi coniugi. Et quidem in gradu fiunt affines alteri coniugum, in quo gradu sunt consanguinei alteri: pater enim sponsæ efficitur quodammodo pater sponsi, & frater sponsæ efficitur frater sponsi, &c. Quare si quis moverit gradus consanguinitatis, facile colliger gradus affinitatis.

Quantum igitur ad gradus, SCIENDVM est, aliter numerari in iure ciuili, aliter in iure canonico. In iure ciuili, pater ex titulo de gradibus, in Pandectis Iustiniani, duplex ordo constituitur. VNVS rectus, ut patris, filii, nepotis, &c. vel sursum versus, patris, aui, abauii, &c. ALTER transversus, fratrum, consobrinorum, &c.

Et quidem in ordine recto tot sunt gradus, quot sunt personæ, omisso stipite, verbi gratia; Filius est in primo gradu nepos



depos in secundo, pronepos in tertio, abnepos in quarto, &c.
neque in hac re discrepat ius canonicum.

In ordine autem transuerso Ius ciuile nullum ponit pri-
mum gradum, sed incipit à secundo, qui est fratum inter se.
Erratio est, quia in transuerso etiam ordine, tot ponit lus
ciuile gradus, quot sunt personæ dempto stipite, fratres au-
tem vñ minimum duo esse debent. Si enim vñus tantum sit
aliquius patris filius, is non dicitur frater, sed filius tantum:
proinde non facit ordinem transuersum, sed tantum propa-
gat ordinem rectum. Fratres igitur qui duo sunt ut mini-
mam, secundum efficiunt gradum; tertium autem faciunt
patruus, vel auunculus cum filiis fratum, vel sororum;
nam tunc tres personæ inueniuntur dempto stipite. Sint,
exempli gratia, duo fratres: si alteri eorum filius nascatur,
iam erunt tres, & incipiet dici alter fratum patruus, respe-
ctu filij fratri sui; atque ita in tertio gradu sunt patruus, &
filius fratris. Et eadem de auunculo, amita, materteria, ra-
tio est. Quartum faciunt filij fratum, qui inter se patrue-
les dicuntur, vel consobrini, si filii sororum sint. Neque e-
nim esse possunt patrueles, sive consobrini, nisi quatuor per-
sonæ dempto stipite numerentur; duo videlicet fratres, &
duo ipsorum filij. Quintus porrò gradus erit inter patrue-
lem vñius, & filium alterius. Sextus gradus inter duos filios
patrueles, & sic deinceps.

Vbi illud obiter est NOTANDVM, secundum gradum
esse æqualiter distantium à stipite, tertium autem esse inæ-
qualiter distantium: & ad eundem modum, quartum, sex-
tum, octauum, &c. esse æqualiter distantium; quintum, sep-
timum, nonum, &c. esse inæqualiter distantium.

NEQUE istum ordinem graduum confinxit Iustinianus
in Authenticis, neque eum reprobavit Alexander Secun-
dus, in Concilio Lateranensi (ut suspicatur Dominicus à
Soto, in quartum, distincto articulo secundo) sed erat
in antiquissimis legibus Romanorum, ut patet ex Paulo Iu-
reconsulto in ff. de gradibus, qui Paulus trecentis annis Iu-
stinianum præcessit: floruit enim tempore Alexandri Impe-
ratoris, circa annum Domini C C. XXX. & ex sancto Am-
broasio in epistola 66. ad Paternum, vbi iuxta hunc ordinem
numerandi gradus, affirmat duos consobinos esse consan-
guineos

guineos in quarto gradu; patrum autem, & filium sororis in tertio. Scripsit autem Ambrosius annis supra centum antequam nasceretur Iustinianus.

Alexander autem II. Papa, in Concilio Lateranensi, patet ex canon. Ad sedem, 35. quæst. 5. non refellit iustini-
num, sed errorem quoruðam male intelligentium iusti-
nianum: unde ibidem Alexander bis terue repetit, legem
uilem recte se habere, licet alium ordinem seruet. Ius enim
ciuile respicit numerum personarum, Ius autem canonicum
distantiam a stipite. Igitur secundum Ius canonicum in or-
dine recto primus gradus est filiorum, qui proximè a stipite
deriuantur, secundus nepotum, tertius pronepotum, &c. in
ordine transuerso, primus gradus est fratum germanorum,
secundus patruelium, seu consobrinorum, & simili patru-
li filij fratris, tertius est filiorum duorum fratum patruelium
& simili patruelis, & filij alterius patruelis, & sic deinceps. Ita
quo deducit Alexander Papa, ex duobus gradibus secundum
Ius ciuile, unum constitui secundum Ius canonicum; & pro-
inde eum, qui est secundus Iure ciuili, esse primum Iure cano-
nico; & qui est tertius & quartus Iure ciuili, esse secundum Iu-
re canonico; & qui est quintus & sextus Iure ciuili, esse ter-
tum Iure canonico; & qui est septimus & octauus Iure ciuili,
esse quartum Iure canonico, & sic deinceps.

Ratio autem Canonicae supputationis redditur optimæ
Theologis, & Canonistis, & habetur etiam cap. Quod dilec-
tio, de consanguinitate, & affinitate, & cap. Finali, eodem
quia nimic cum personæ in ordine transuerso non con-
iungantur, nisi ratione stipitis, à quo procedunt, non possunt
inter se magis, aut minus distare, quam a stipite distent: ne-
cessariò igitur efficitur, ut eo gradu inter se coniungantur,
vel distent, quo stipiti coniunguntur, vel ab eo distant. Quo-
re duo fratres in primo gradu erunt, quia uerque in primo
gradu est cum stipite: consobrini in secundo erunt, quia uer-
que in secundo gradu est cum stipite. Quod si inæqualiter
a stipite distent, ut patruus, & filius fratris, tunc eo gradu in-
ter se distabunt, quo distat à stipite ille, qui est remotior. Cum
enim per stipitem coniungantur, fieri non potest, ut vellus
propinquior sit consanguineo suo, quam stipiti; non igitur

filius fratri minus distare potest à patruo, quām ab auo. Licet igitur patruus vno tantū gradu distet à stipite, tamen quia filius fratri duobus gradibus distat ab eodem stipite, idē patrius, & filius fratri in secundo gradu sunt; non minus quam duo filii fratribus.

Et hoc est, quod Alexander Papa significauit, cūm ait, ex duobus gradibus ciuilibus fieri vnum Canonicum. Siquidem iure ciuili patruus & filius fratri, faciunt vnum gradum; duo filii fratribus faciunt alterum, quia vna persona additur ad numerum, & ius ciuale numerum personarum respicit: at iure canonico idem est gradus patrui, & filii fratribus, qui duorum patruelium; quia ius canonicum, non numerat personas, sed distantiam à stipite considerat.

Est autem illud OBSERVANDVM, graduum supputationem non extendi in infinitum. Nam virtus paterna in filium traducta, per quam est filius patri similis, non solum in specie, sed etiam in individuo, vt complexione moribus, colore, lineamentis, ob quam existit peculiaris affectio inter consanguineos; paulatim minuitur, ita vt maior sit in filio, quām in nepote, maior in nepote, quām in pronepote, &c. & tandem post aliquot generationes penitus evanescit. Alioqui si semper duraret, id sequeretur, vt omnes homines, qui ab uno Adamo, primo stipite generis humani descendunt, consanguinei essent; cūm tamen ē contrario experiamur, non modò non omnes homines, sed neque ciues vnius oppidi cum affectum retinere, quem natura consanguineis inservit.

Quia tamen non facile sciri potest, quo usque virtus illa eiusdem sanguinis perseveret, & probabile est, non æqualiter semper, sed nunc in pluribus, nunc in paucioribus generationibus conseruari, prout in vno potentior est virtus, quām in alio: idē, vt certi aliquid habēremus, Legislatores certum numerum graduum præfixerunt.

Et quidem Moyses in Leuitico, cap. 18. præfixit duos gradus tantū, primum videlicet, & secundum. Prohibuit enim in recta linea, coniugium patris cum filia, & cum nepte, & similiter matri cum filio, & cum nepote: transuersa, prohibuit coniugium fratri cum sorore, siue ex vno, siue ex utroque parente; & nepotis cum amita, vel materterra; non ta-

QQ

mem

men prohibuit coniugium è contrario patrui , vel auuncum filia fratri , vel sororis . Et hæc quoad consanguinitatem , vbi sunt duo gradus secundum Canones , & tres secundum leges . Quoad affinitatem , prohibuit coniugium filium cum nouerca , & patris cum nuru , & rursus patris cum priuigna , vel cum eius filia : & hæc in recto ordine . In transuerso autem , prohibuit coniugium cum vxore fratri , & cum sorore vxoris , vxore viuente ; & cum vxore patrui . Vbi etiam sunt duo gradus secundum Canones , primus , & secundus , & tres secundum leges : nam filia priuignæ est in secundo gradu cum patre , & vxor patrui est in secundo gradu cum eius nepote .

Quare errat Lutherus in captiuitate Babylonica , cap. à Matrimonio , vbi dicit , in lege diuina non prohiberi , nisi primum gradum affinitatis , & primum , & secundum consanguinitatis .

Quod etiam S. Ambrosius in epist. 66. dicit , in lege diuina prohiberi coniugium patruelium , qui sunt in quarto gradu secundum leges , non video quomodo verum esse possit sicut etiam quod idem Ambrosius ibidem , negat in legem pressè prohiberi coniugium patris cum filia , forte lapsum memoriae . Nam prima illa prohibitio : Turpitudinem patris iuri , & turpitudinem matris tuae non discoperies ; nihil aliud significat , nisi ne filia patri nubat , & ne filius matrem accipiat in vxorem .

Sed quanquam lex diuina his paucis gradibus contentuerit : tamen lex civilis prohibuit etiam coniugia consobrinorum , qui sunt in quarto gradu secundum leges , ut Ambrosius testatur epist. 66.

Lex autem Ecclesiastica longius progesa est . Ecclesia enim olim septimum gradum definierat , ultra quem non esset illa consanguinitas , vt patet ex Alexandro Secundo , sic citato : sed postea in Concilio Lateranensi , sub Innocentio III . restricta est tum consanguinitas , tum affinitas ad quartum gradum , vt pater ex cap. Non debet , de consanguinitate , & affinitate .

Ex quo intelligimus , id quod communiter dici solet , in linea recta in infinitum prohiberi connubia , quod primus

soror
nega
Q
vix
in g
inue
tem ,
trah
cum
mon
accid
anne
115.
peru
temp
lusi

A
tion
tion
IT E
orit
latu
qua
cult
self.
prior
autem

F
mo
blic

forte scripsit Caius L. nuptiæ 2. ff. de ritu nuptiarum: à multis negari.

Quanquam non est cur de hac re valde solliciti simus, cùm vix contingere possit, ut cupiant aliqui Matrimonium inire in gradu quinto, aut ulteriore in recta linea. Aut enim non inueniuntur homines viui, aut sunt ita inæquales quoad ætatem, ut absurdissimū sit eos inter se Matrimonium velle contrahere. Nam, ut demus, in aliqua linea singulos gignere cùm primum per ætatem licet, id est, cùm ad annum decimum quintum petueneriat, quod tamen raro, aut nunquam accidit; si deberent in quinto gradu coniungi, haberet unus annos 90 alter 15. & si in octauo gradu, haberet unus annos 15. alter 15. Immò ipse Adam, qui vixit 930. annos, non superuixit tamen nisi usque ad octauam generationem: quo tempore, si extra consanguinitatem suam, uxorem ducere voluisset, debuisset vir decrepitus, annorum ferè 900. puellam annorum 15. uxorem accipere.

Addidit PRAETEREA Ecclesia duas alias species cognationis, quæ in Leuitico non continentur, nimirum cognationem spiritualem, quæ oritur ex Baptismo, & Confirmatione. & cognitionem legalem, quæ oritur ex adoptione. Item addidit duas alias quasi species affinitatis; unam, quæ oritur ex sponsalibus, quæ Publicæ honestatis iustitia appellatur; & alteram, quæ oritur ex copula carnali fornicaria, quamvis hæc ultima ex Leuitico iuxta quosdam non difficulter eruatur. PORRO iuxta Concilij Tridentini decreta, sess. 24. Cognatio spiritualis, & Publica etiam honestas intra primum gradum tantum Matrimonia dirimunt: Affinitas autem ex copula fornicaria, intra primum, & secundum.

EST etiam alia quedam affinitas, quæ oritur ex Matrimonio rato, sed nondum consummato, quæ quamvis Publica iustitia dici soleat: tamen haud dubie est quid perfectius, & ideo Pius V. Papa declarauit, restrictionem Concilij Publicæ iustitiae ad primum gradum non habere locum, nisi in sponsalibus defuturo.